



Mbouj Lumz Dangj Aencingz

党的恩情永不忘

□ Vangz Civeij / 黄志伟

Raemx lae bae heux bya,
Nuengx bae ra fwen doiq,
Saedceij lumj oijmoih,
Doiq dangj cingz mbouj lumz.

Yied byaij ngauez yied daemq,
Aemq baufug youzlangh,
Ndwn youq gwnz bo sang,
Ndae cuengq ndang youq gyawz?

Gwn ndei caiq daenj ndei,
Dou ranz meiz(miz) roen loh,
Lwgnyez daenj buh moq,
Ciengq go bae doegsaw.

Hawj bienqbaenz mbanj gyaeu,
Raeuz roengzrengz bae ganq,
Mbouj lau lae lwedhanh,
Ganqhoh suenranz raeuz.

Dangj aencingz lailai,
Daengz dai boiz mbouj hwnj,
Bak bi lumj fangzhwnz,
Gwndaenj yungzfefe.

Ngeix diuq dat bae dai,
Mbwn fwt hai da rongh,
Gaijgwz ndaej guhhong,
Sim rongh lumj daengngoenz.

Doegsaw mbouj aeu ngaenz,
Bouxbox gaenx bae hag,
Banhaemh ndaundeiq cak,
Bouxgeq hag cihsiz.

Loekci baenqngaungau,
Haucu yienqisadsad,
Lajmbanj guh ndaej ak,
Haeux mak gwn mbouj liux.

Angqfaengz mbouj lumz dangj,
Gangj dauqlaeng baenz nanh,
Rag haz dang byaek van,
Danq saw mbouj ndaej doeg.

Dwen daengz guh reihnaz,
Gvanbaz riu doxcoh,
Mbanjmbanj hai goengloh,
Hohhoh ndaej dienh daengz.

Bouxgeq dwg vwnzmangz,
Hagdangz mbouj ndaej haeuj,
Ndae loeg'it loegsaeuh,
Cij haeuj ranzhag bae.

Cungguek bienq ndaej ak,
Ragfaex bae ndaej gyae,
Byaij hwnj bak mbaek lae,
Maeh ciuhgonq hojnanh.

Ciuhgeq saw mbouj rox,
Gyaet hoz mbouj naengzgaeuq,
Daengz cieng noh mbouj laeuj,
Naj nyaeuq lumj duzlingz.

Dienh ranzranz ndaej daengz,
Angqfaengz yawj densi,
Cenj laeuj vannini,
Caeuq densi ndoet caez.

Haeuj ranzhag doegsaw,
Dawz gohyoz ndaem ciengx,
Nonsei cien bak sieng,
Ciengq go hwnj ranzlaeuz.

Gangj daengz goj lizsij,
Mbouj miz vunz ndaej lumz,
Guekcoj bienq ndaej mwn,
Guek wngq mbouj gamj dig.

Yienghyienh mbouj miz gwn,
Lwnh raemxda couh doek,
Nit daengz mbouj miz moeg,
Lumj roeg dai ndaw doengh.

Cenj laeuj oemq ndaw bak,
Linx yied cak yied diemz,
Simhai lumj va sien,
Yah ciennienz buh moq.

Bouxbox hwnj ranz moq,
Swngghoz hoengzfehfeh,
Duetgungz mbouj yungh deq,
Veh aen doz mbanj gyaeu.

Minzczu raeuz doxgiet,
Netsim dingq cunghyangh,
Byaij riengz gungcanjdangj,
Vah gangj aeu guh daengz.

Fwen Geiqniemh Gungcanjdangj Laebbaenz It Bak Hopbi

纪念中国共产党成立一百周年歌

□ Veiz Couyiz / 韦伯怡

It gouj ngeih it nienz,
Daengx guek cungj ngeix cienz,
Seizhaenx yaek vuenh vuengz,
Daengx biengz haidaeuz luenh.

Bauj lwgminz bingzan,
Gozminzdangj sim dam,
Baez hoenxcienq couh baih.

Meijgoz hoenx Cauzsenh,
Vihliux hen Cunghgoz,
Laux Mauz ndawsim rox,
De doq baijbing bang.

Doenghgij ngoenz seizneix,
Gvaq ndaej raixcaix ndei,
Vunz miz raeuz hix meiz(miz),
Gij ndei gangj mbouj liux.

Laebbaenz gungcanjdangj,
Couhdwg vih lwgminz,
Gungcanjdangj yinghmingz,
Vih lwgminz guh saeh.

Gungcanjdangj lingjdauj,
Cujciz gauj gwzming,
Daiqlingx raeuz lwgminz,
Ittingh ndaej fanndang.

Cungguek ciyenginh,
Vifung Cauzsenhdauj,
Hoenx ndaej Meijgoz lau,
Daejngaungau bae ranz.

Cij miz gungcanjdangj,
Ndae lingjdauj gwzming,
Hawj Cungguek lwgminz,
Caencingq ndaej fanndang.

Gungcanjdangj aen sim,
Lwgminz seizseiz rox,
Yaek guenj daengx Cunghgoz,
Mbouj rox guh daengz lwi?

It gouj seiq gouj nienz,
Daengx guek ndaej gaijfang,
Laux Ciengj cei q vuengmangz
(muengz),
Bae Daizvanh ndoj dai.

Cancangz hoenx mbouj hingz,
Goenghai gauj funghsoj,
Siengj hawj raeuz Cunghgoz,
Ra loh bae mbouj miz.

Cij miz gungcanjdangj,
Gaijfang cienz Cunghgoz,
Siumied le bozsoz,
Cunghgoz cij fanndang.

Ciengj Gaisiz guhcawj,
Couh gaemhdawz aen yinq(yaenq),
Cungj yaeuh raeuz lwgminz,
Mbouj duet yinq(yaenq) ndaw fwngz.

Bae Daizvanh ndoj dai,
Baij haujlai dwzvu,
Gaenzgaeq dauq daluz,
Guh buqvaih cauhlenh.

Baenzbaenz de funghsoj,
Cunghgoz ciuqyiengh miz,
Funghsoj caet bet bi,
Raeuz miz yenzswjdan.

Ngoenzneix raeuz baenz vunz,
Mbouj lumz gungcanjdangj,
Lwgminz ndaej gaijfang,
Danggya guh bauxcawj.

Gungcanjdangj lingjdauj,
Cujciz gauj gwzming,
Vihliux raeuz lwgminz,
Ittingh mbouj cuengq fwngz.

Raeuz yaek gouq swheij,
Gyengqcaeg daegbied gvangz,
Raeuz yaek caux gyadangq,
De daemjroen dajgiep.

Feihgih raeuz hix caux,
Lij laux gvaq bauxwnq,
Naengh feihconz hwnj mbwn,
Vunz bae youz daigungh.

Vunz Cungguek bauxbox,
Mbouj lumz gungcanjdangj,
Gaenriengz dangj cunghyangh,
Gvaq siujganh saedceij.

Cij miz gungcanjdangj,
Gamj riengz Laux Ciengj can(hoenx),
Miz bing bak geij fanh,
Ciuq can(hoenx) aeu de saw.

Mauz cujsiz lingjdauj,
Gauj gaj caeg fanj yak,
Gyengq dwzvu hix cak,
Deng lien rag gaj caez.

Gij Cungguek gohgi,
Beij vunz lij ak lai,
Gaenx guh hwnj mbaeklae,
Dauqdae ndaej ndwn sang.

Gungcanjdangj lingjdauj,